

CUENTA DI TELEFON DI MINISTRONAN Y COORDINADORNAN TA COSTA PUEBLO UN DINERAL

ORANJESTAD(AAN) Cu tabata tin fiesta grandi durante ultimo gobernacion

Awe na TV...

CNN TRAVELGUIDE LO PASA ECLIPSE SOLAR DI ARUBA

ORANJESTAD (AAN): E cadena Mericano CNN, a escoge Aruba como e lugar unda nan a cubri e Eclipse Solar Total. Esey ta e informe suministra den e ultimo edicion di ATA News Network.

Francis Jacobs di Direccion di Turismo, a compania e crew di CNN Travelguide pa asina nan graba na Aruba, prome, durante, y despues di e Eclipse.

E meta principal di e cobertura tabata pa captura e reaccion spontaneo di bishitante, y hendenan local. Tambe di e cientifico-, fotografo-, y eclipse-chasernan, y hasta esnan cu pa casualidad tabata riba e isla pa asina mira e fenomeno celestial.

Mientras cu mayoria di e grabacionnan a ser haci na Eagle Beach, tog Playa y Sero Colorado a ricibi cobertura tambe, nificando mas promocion pa Aruba.

CNN Travelguide lo pasa Diasabra 7 di Maart pa 1:30'or di merdia (ora di Aruba). No perde esaki!

E noticia di I.P.A.

ORANJESTAD (AAN): Recientemente DIARIO a publica e informe cu "tin sospecho cu un miembro di IPA lo a comete algo castigable".

Pa evita cualkier malcomprondemento, enfasis ta worde haci cu "IPA" aki nifica "Instituto Pedagogico Arubano". Ningun momento a referi na "International Police Association" y su seccion Arubano.

E aclaracion aki ta worde haci, debi cu ya caba yamadan a drenta di exterior, pa asina haya sa kico lo por a pasa den e seccion di International Police Association di Aruba.

pueblo tabata na altura di dje for di basta tempo caba, pero pueblo no tabata na altura di e gastonan berdadero cu mal maneho di gobierno a trece cune.

Pueblo por a nota for di momento cu e gabinete AVP / OLA a drenta den gobernacion, cu ta un cantidad grandi di coordinador tabata cana rond den Bestuurskantor y hopi di nan tabata gana salarionan barbaro.

Coordinadornan tabata trip rond den V Wagen manera cu ta pornada gobierno tabata haya esakinan y asina tabata tin hopi asunto cu pueblo a cuestiona pasobra gobierno tabata malgasta placa na grandi.

Ministronan tabata viaha hunto cu un batayon di coordinador y te hasta bode pa tur parti di mundo, sin cu un solo dia nan a duna cuenta di tur e viahenan cu nan a haci.

Ningun hende te awe den pueblo a haya sa directamente for di gobierno cuanto placa a ser gasta na viahe, hotel, transportacion, cuminda y otro gastonan di representacion cu ministro-

nan a haci hunto cu nan batayon di coordinadornan.

Tabata tin escandalo di funcionario cu den Bestuurskantor a mishi cu hende muher, otro a laga extranhero drenta anochi den bestuurskantor pa supuestamente haci yamada internacional aparentemente acompaña cu kitamento di paña etc etc.

Tur esaki a pasa y pueblo a sigui manera custumber pa orden di cada dia pasobra ningun ministro o funcionario cu a actua di mala fe, a baha o ser manda cas.

Tabata tin un funcionario cu a ser manda cas pa motibo di mal comportacion contra hende muher, pero despues di algun siman, cu bendicion di su ministro, e tabata sinta na grandi atrobe den Bestuurskantor manera cu e no a kibra un copi.

Politica na Aruba ta dal bueltanan straño ultimo tempo y tin cambian grandi andando pasobra awor si pueblo ta haya informacionnan cu antes tabata keña bon tapa.

E cambio den Parlamento a pone cu ta for di tur skina

informacion ta saliendo awor cu no tin formacion di gobierno ainda.

Poco poco Parlamento ta haya tur sorto di informacion di loke a pasa durante ultimo gobernacion y cierto informacionnan lo bay cay manera un bom den pueblo.

Tabata tin hopi critica riba e partimento pa loco di celular na Buchi Juan y Shimaria cu tabata traha cu ministronan.

Pueblo nunca a haya di tende cuanto gobierno mester a paga tur luna na gasto di celularnan, pero pueblo tabata pendiente si pa haya sa cuanto e cuenta total di celular di gobierno tabata pasobra cu tanto hende ta cana rond cu celular, e cuenta no por a bin 100 florin pa luna.

Segun informacionnan cu DIARIO a haya durante simannan cu a pasa, tin diferente cuenta di celular ta saliendo na claridad di dia pasobra un coordinador so lo tabata tin un pro medio di 8 mil florin na gasto di celular pa luna, pa no pia mes cuanto e persona aki tabata gasta na V Wagen.

Un ministro so, lo a gasta mas cu 300 mil florin na celular den un periodo di apenas 6 luna.

Cu cuenta di celular di un ministro por bin un tiki halto pasobra e mester keda disponible 24 ora pa dia pa asina e por goberna bon, pueblo no tin problema cu esaki, pero no cu un cuenta di celular ta bin riba 300 mil florin den apenas 6 luna.

Actualmente tin documentonan ta circula cu ta duna un bista riba cuanto placa un ministro a gasta na celular.

Mirando cu e documentonan aki pronto lo sali den publicidad, mester remarca cu no ta di un ministro so pueblo mester haya sa cuanto placa a ser malgasta na celular, pero di tur mester sali na claridad di dia.

Mescos tambe mester ta e caso cu e gastonan di viahamento, fiesta, comemento etc etc.

Dje forma ey pueblo lo haya sa ta pa ken nan a vota y ken ta esnan cu a mal probecha cu placa di pueblo, pa despues bay pasa di cas pa cas pidi confianza y voto di pueblo.

BROKER PAKI, BROKER PAYA!!

